

欽定天文正義

欽定天文正義卷五十六

雲氣占

雲氣占

史記天官書凡望雲氣仰而望之三四百里平望在桑榆上

餘二千里

按漢書天文志作
十餘里二千里

登高而望之下屬地者三千里

雲氣有獸

按漢書
作獸

居上者勝自華以南氣下黑上赤嵩高三

河之郊氣正赤恒山之北氣下黑上青勃碣海岱之間氣皆

黑江淮之間氣皆白

徒共隋志
作徒

氣白土功氣黃車氣乍高乍

下往往而聚騎氣卑而布卒氣搏前卑而後高者疾前方而

高後死而卑者邪其氣平者其行徐前高而後卑者不止而

反氣相遇者卑勝高先勝方氣來卑而循車通者

集解車通
車轍也避

故曰通不過三四日去之五六里見氣來高七八尺者不過

五六日去之十餘二十餘里見氣來高丈餘二丈者不過三
四十日去之五六十里見稍雲精白者其將悍其士怯其大
根而前絕遠者當戰青白其前抵者或勝其前赤而仰者戰
不勝陣雲如立垣杼雲類杼軸雲搏兩端兌杓雲如繩者居
前亘天其半半天其望者類闕旗故鉤雲句曲諸此雲見以
五色合占而澤搏密其見動人乃有占兵必起合闕其直王
朔所候決於日旁日旁雲氣人主象皆如其形以占故北夷
之氣如羣畜穹閭南夷之氣類舟舩幡旗大水處敗軍塲破
國之虛下有積錢金寶之上皆有氣不可不察海旁蜃氣象
棲臺廣野氣成宮闕然雲氣各象其山川人民所聚積故侯

息耗者入國邑視封疆田疇之正治城郭室屋門戶之潤澤
次至車服畜產精華實息者吉虛耗者凶若煙非煙若雲非
雲郁郁紛紛蕭索輪囷是謂卿雲卿雲見喜氣也若霧非霧
衣冠而不濡見則其域被甲而趨

隋書天文志東海氣如圓登附漢河水氣如引布江漢氣勁

如杼濟水氣如黑狍滑按晉志作涓水氣如狼白尾淮南氣如帛

少室氣如白兔青尾恒山氣如黑牛青尾東夷氣如樹西夷

氣如室屋南夷氣如閣臺或類舟船雲氣如三匹帛廣前兌

後大軍行氣也祥雲如布趙一作如牛楚雲如日宋雲如車魯雲

如馬衛雲如犬周雲如車輪秦雲如行人魏雲如鼠鄭齊雲

如絳衣越雲如龍蜀雲如困枝騎之氣正蒼黑長數百丈遊
兵之氣如彗掃一云長數百丈無根本喜氣上黃下白怒氣
上下赤憂氣上下黑土功氣黃白徒氣白 候氣常以平旦
下晡日出沒時處氣以見知大占期內有大風雨久陰則災
不成故風以散之陰以誅之雲以幡之雨以厭之

瑞氣

晉書天文志瑞氣一曰慶雲若煙非煙若雲非雲郁郁紛紛
蕭索輪囷是謂慶雲亦曰景雲此喜氣也太平之應一曰昌
光赤如龍狀聖人起帝受終則見

開元占非氣非烟五色氤氳名曰卿雲太平之應也雲會五

色潤澤和緩見於城上景雲也

妖氣

晉書天文志妖氣一曰虹蛇日旁氣也斗之亂精主惑心生
內淫主臣謀君天子誑后妃顛妻不一一曰祥雲如狗赤色
長尾為亂君為兵喪

觀象玩占妖氣一曰祥雲赤雲其狀如狗或二三或四五相
隨而行所見之國有大兵

帝王氣

隋書天文志天子氣內赤外黃正四方所發之處當有王者
若天子欲有遊往處其地亦先發此氣或如城門隱隱在氣

霧中恒帶殺氣森森然或如華蓋在氣霧中或有五色多在
晨昏見或如千石倉在霧中恒帶殺氣或如高樓在霧氣中
或如山鎮蒼帝起青雲扶日赤帝起赤雲扶日黃帝起黃雲
扶日白帝起白雲扶日黑帝起黑雲扶日或日氣象青衣人
無按觀象玩
占作岳手在日西天子之氣也敵上氣如龍馬或雜色
鬱鬱衝天者此帝王之氣不可擊若在吾軍戰必大勝凡天
子之氣皆多上達於天以王相日見

觀象玩占氣如龜如鳳五彩隨王時發者天子氣也一曰蒼
帝氣如人向日拱手而俛首一手在後赤帝氣如象火光如
覆其狀立在日下黃帝氣如馬在日下白帝氣如虎在日下

黑帝氣如船在日下青紫氣自地屬天其地有貴女凡帝王氣發常以四時王相時日相生之日其國大昌

賢人氣

隋書天文志視四方常有太雲五色具者其下有賢人隱也青雲潤澤蔽日在西北為舉賢良

兵氣

隋書天文志凡猛將之氣如龍兩軍相當若氣發其上則其將猛銳或如虎在殺氣中猛將欲行動亦先發此氣若無行動亦有暴兵起或如烟火之狀或白如粉沸或如火光之狀夜照人或白而赤氣繞之或如山林竹木或紫黑如門上樓

或上黑下赤狀似黑旌或如張弩或如埃塵頭銳而卑本大
而高兩軍相當敵軍上氣如困倉正白見日逾明或青白如
膏將勇大戰氣發漸漸如雲變作此形將有深謀 凡氣上
與天連軍中有貞將或云賢將 凡軍勝氣如堤如坂前後
磨地此軍士衆強盛不可擊軍上氣如火光將軍勇士卒猛
好擊戰不可擊軍上氣如山堤山上若林木將士驍勇軍上
氣如埃塵粉沸其色黃白旌旗無風而颺揮揮指敵此軍必
勝敵上有白氣粉沸如樓繞以赤氣者兵銳營上氣黃白色
重厚潤澤者勿與戰兩敵相當有氣如人持斧向敵戰必大
勝兩敵相當上有氣如蛇舉首向敵者戰勝敵上氣如一匹

帛者此雍軍之氣不可攻望敵上氣如覆舟雲如牽牛有白
氣出似旌幟在軍上有雲如鬪雞赤白相隨在氣中或發黃
氣皆將士精勇不可擊軍營上有赤黃氣上達於天亦不可
攻 凡軍營上五色氣上與天連此天應之軍不可擊其氣
上小下大其軍日增益士卒軍上氣如堤以覆其軍上前赤
後白此勝氣若覆吾軍急往擊之大勝夫氣銳黃白團團而
潤澤者敵將勇猛且士卒能強戰不可擊雲如日月而赤氣
繞之如日月暈狀有光者所見之地大勝不可攻 凡雲氣
有獸居上者勝軍上有氣如塵埃前下後高者將士精銳敵
上氣如乳武豹伏者難攻軍上恒有氣者其軍難攻軍上雲

如華蓋者勿往與戰雲如旌旗如蜂向人者勿與戰兩軍相
當敵上有雲如飛鳥徘徊其上或來而高者兵精銳不可擊
軍上雲如馬頭低尾仰勿與戰軍上雲如狗形勿與戰望四
方有氣如赤烏在烏氣中如烏人在赤氣中如赤杵在烏氣
中如人十十五五或如旌旗在烏氣中有赤氣在前者敵人
精悍不可當敵上有雲如山不可說有雲如引素如陣前銳
或一或四黑色有陰謀赤色穢青色兵有反黃色急去 凡
氣上黃下白名曰善氣所臨之軍欲求和退按晉書作敵
欲求和退若
氣出北方求退向北其衆死散向東則不可信終能為害向
南將死敵上氣囚廢枯散或如馬肝色如死灰色或類偃蓋

或類僵魚皆為將敗軍上氣乍見乍不見如霧起此衰氣可擊上天下小士卒日減凡軍營上十日無氣發則軍必勝而有赤白氣乍出即遠外聲欲戰其實欲退散黑氣如壞山隨軍上者名曰營頭之氣其軍必敗軍上氣昏發連夜夜照人則軍士散亂軍上氣半而絕一敗再絕再敗三絕三敗在東發白氣者災深軍上氣中有黑雲如牛形或如猪形者此是无解之氣軍必敗敵上氣如粉如塵者勃勃如煙或五色雜亂或東西南北不定者其軍欲敗軍上氣如群羊群猪在氣中此衰氣擊之必勝軍上有赤氣炎降於天則將死士衆亂赤光從天流下入軍軍亂將死彼軍上有蒼氣湏臾散去

擊之必勝在我軍上。頭自堅守軍有黑氣如牛形或如馬形。從氣霧中下漸漸入軍名曰天狗。下食血則軍破。軍上氣或如群鳥亂飛或如懸衣如人相隨或紛紛如轉蓬或如揚灰或雲如捲席如匹布亂穰者皆為敗徵。氣乍見乍沒乍聚乍散如霧之始起為敗氣。氣如繫牛如人卧如敗車如雙蛇如飛鳥如決堤垣如壞屋如人相持如人無頭如驚鹿相逐如兩鷄相向皆為敗氣。凡降人氣如人十十五五皆又手互頭又亦如人又手相向白氣如群鳥趣入屯營連結百餘里不絕而能徘徊須臾不見者當有他國來降氣如黑山以黃為緣者欲降服敵上他氣青而高漸黑者將欲死散軍上氣

如燔生草之烟前雖銳後必退黑氣臨營或聚或散如鳥將宿敵人畏我心意不定終必逃背逼之大勝 凡白氣從城中南北出者不可攻城中有黑雲如星名曰軍精急解圍去有突兵出客賊城上白氣如旌旗或青雲臨城有喜慶黃雲臨城有大喜慶青色從中南北出者城不可攻或氣如青色如牛頭觸人者城不可攻城中氣出東方其色黃此太一城白氣從中出青氣從城北入反向還者軍不得入攻城圍邑過旬雷雨者為城有輔疾去之勿攻城上氣如烟火主人欲出戰其氣無極者不可攻城上氣如雙蛇者難攻赤氣如杵形從城中向外者內兵突出主人戰勝城上有雲分為兩彗

狀攻不可得赤氣在城上黃氣四面繞之城中大將死城降
城上赤氣如飛鳥如敗車及無雲氣士卒必散城營中有赤
黑氣如狸皮斑及赤者並亡城營上有雲如衆人頭赤色下
多死喪流血城上氣如灰出而北城可剋其氣出復入城中
人欲逃亡其氣出而覆其軍軍必病氣出而高無所止用日
火長有白氣如蛇來指城可急攻白氣從城指營宜急固守
雲氣如雄雉臨城其下必有降者濛氛圍城而入城者外勝
得入有雲如立人五枚或如三牛邊城圍凡軍上有黑氣
渾渾圓長赤氣在其中其下必有伏兵白氣粉沸起如樓狀
其下必有藏兵萬人皆不可輕擊伏兵之氣如幢節狀在烏

雲中或如赤杵在烏雲中或如烏人在赤雲中 凡暴兵氣
白如瓜蔓連結部隊相逐須臾罷而復出至八九來而不斷
急賊卒至宜防固之白氣如仙人衣千萬連結部隊相逐罷
而復興如是八九者當有千里兵來視所起備之黑雲從敵
上來之我軍上欲襲我敵人告發宜備不宜戰壬子日候四
望無雲獨見赤雲如旌旗其下有兵起若漏四方者天下盡
有兵若四望無雲獨見黑雲極天天下兵大起半天半起三
日內有雨災解敵欲來者其氣上有雲下有氣零中天而下
敵必至雲氣如旌旗賊兵暴起暴兵氣如人持刀楯雲如人
赤色所臨城邑有卒兵至驚怖須臾去赤氣如人持節兵來

未息雲如方虹有暴兵赤雲如火者所向兵至天有白氣狀如匹布經丑未者天下多兵 凡戰氣青白如膏將勇大戰氣如人無頭如死人卧敵上氣如丹蛇赤氣隨之必大戰殺將四望無雲見赤氣如狗入營其下有流血 凡過四方盛氣無向之戰甲乙日青氣在東方丙丁日赤氣在南方庚辛日白氣在西方壬癸日黑氣在北方戊己日黃氣在中央四季戰當此日氣背之吉 凡欲知我軍氣常以甲巳日及庚子辰戌午未亥日及八月十八日去軍十里許登高望之可見依別記占之百人以上皆有氣 凡占災異先推九宮分野六壬日月不應陰霧風雨而陰霧者乃可占對敵而坐氣

來甚卑下其陰覆人上掩溝蓋道者是大賊必至敵在東日出候在南日中候在西日入候在北夜半候王象色吉囚死色凶 凡軍上氣高勝下厚勝薄實勝虛長勝短澤勝枯我軍在西賊軍在東氣西厚東薄西長東短西高東下西澤東枯則知我軍必勝 凡氣不積不結散漫一方不能為災必湏和雜殺氣森森然疾起乃可論占軍上氣安則軍安氣不安則軍不安氣南北則軍南北氣東西則軍亦東西氣散則為軍破敗

開元占魏武兵書曰雲氣非雲非煙非塵非晦非蒙形似禽獸客吉主人忌之京房曰別有氣如尾在氣中臨軍欲降下

則軍中人與賊通宜脩之城上氣若前高後卑攻之可拔若
後高前卑者不可攻其城上氣覩不相見不可攻有赤氣從
城出者內兵勝宜備之凡攻城有諸氣從城中出入吾軍上
者敵家氣也濛氣繞城不入者外兵不得入赤氣加西方者
客勝加北方者客敗加東方兩解不聞加南方軍還天下安
無兵黃氣加東方者主人大聞客大破加北方者客勝他効
此

觀象玩占將軍之氣如龍如虎在殺氣中兩軍相當若發軍
上則其將猛銳欲動也吉凶以日辰決之若無軍在外亦暴
兵起 夜視彼軍上有黑氣出上有赤氣臨我軍上彼強我

弱弱能破強小能擊大大戰大勝小戰小勝 兩軍相當十
里之內三里之外望彼軍上氣高而前後白青散者敗氣也
急擊之雲氣蓋道蒙蒙晝晦者飯不暇食炊不暇熟宜急去
之不然必敗軍上氣黑而卑如棲狀軍不移必敗軍上氣先
青而漸變黑者其將欲死軍行有白氣如猪來臨者軍大驚
宜備之 黑雲氣從彼來之我軍者欲襲我也敵人吉宜備
不宜戰敵還從而擊之必得小勝天色蒼茫而有此氣依之
干日數內無風雨則所發之方必有暴兵日克時則凶時克
日則自消散此氣所發之方當有使告急一人來則氣一條
依數計之若散滿一方則有眾來依日文干數內有風雨則

伏雲氣如虎蹊如人行色白而悴者暴兵起雲如人行止而不崩有暴兵候敵氣上有雲下亦有雲者兵必至白氣廣五六丈東西竟天天下兵起日出沒將有白氣如匹布者天而行長或竟天或十餘丈有聲者天狗也見則兵大起有雲如豹四五枚相聚其團兵大起雲如狗四五以上相聚兵起雲氣一道上白下黃或白色如匹布長數丈或上黃下白如旗狀長二三丈或長氣絕赤而委曲一道如布帛皆謂之蜚尤旗見則兵大起雲紛紛綿綿相絞及似蒿草長數尺者以車騎為伏兵兩軍相當赤氣者伏兵之氣若前有赤氣則前有伏兵後有赤氣則後有伏兵左右亦如之審察之則知其

所在黑雲變赤反白形如山者有伏兵有雲如山林兵在外
有伏兵前有黑氣而有後有白氣者有伏兵 四望無雲獨
見赤雲如覆船其下有戰青氣見軍之王相上者有戰雲如
耕瓏其下有兵必大戰蒼白雲氣經天其下有拔城大戰赤
氣漫漫如血色有大戰流血 氣白而群行徘徊結陳來者
他國來欲相圖謀也不可應視其所往隨而伐之可得黑
氣如幢出於營中上黑下黃敵欲求戰而無誠實言信相反
九日之內必覺備之吉黑氣臨我軍如車輪行敵人謀亂國
有小臣勾引之宜明察之黑氣遊行中含五色臨我軍上敵
人有合謀伐我者謹備之天沉陰不雨晝不見日夜不見星

月三日以上者陰謀也將軍宜慎左右及敵使五日至七日有謀蔽人主奪將權亦為刑殺事起日月濛濛無光士卒謀內亂將軍宜循法度察有功以自明止嚴刑而伺姦人謀議

氣正白如旌旗或白氣如旗而赤界其邊或氣出於外如火煙或有雲分為兩彗狀其城壘皆堅不可攻攻城圍邑其城營上氣聚如樓外見者攻之可得有氣如蛟頭白內向者城可攻城上氣赤如漫血所臨者敗 凡初出軍日天色昏漠雲色沉陰寒慘者必戰若清明和暢風塵不動者不戰有青氣見軍之王相上者當成交戰不見則不戰凡軍向東伐而有白雲從西來因隨而擊之勝若有赤雲或青雲從東來

逆軍者急宜屯守他倣此凡對敵敵在東方白雲東去而又
有雲東來相逆須火過者雲已去而又有風隨之望之有龍
虎之狀不可戰若我軍得之戰大勝雲隨從而風逆者不可
戰凡兩軍相當平旦視其所向甲乙日有白雲丙丁日有黑
雲戊己日有青雲庚辛日有赤雲壬癸日有黃雲皆不可動
凡天見五色雲氣望東西南北至于午卯酉若百步千步一
丈十丈百丈數百丈如車道與日辰相克者大戰不相克者
不戰王氣所臨有天命兵強相氣所臨戰勝將吏有功死氣
所臨疾病死喪饑饉破敗亡囚氣所臨被圍降伏休氣所臨
兵罷無功士卒亡散天有青氣入營兵弱驚天有赤氣入營

兵暴驚天有黃氣入營兵和解天有白氣入營兵強天有黑
氣入營士卒大疫一曰兵相殘宜徙營凡有雲氣橫來者兩
軍不合急先伏止當有遁將凡出軍有黃氣臨營西向東向
戰皆凶北向吉凡軍行有白氣如虹軍大驚宜備之赤雲臨
軍上東西陣者其軍敗赤氣隨日出者軍行有憂軍出欲知
賊得否赤氣前行而有黑氣隨之赤氣滅賊可得若赤氣獨
行無黑氣隨者賊不可得黑氣如死人頭在營上敵人有所
獻且來降許之不許必戰功雖成而士卒多死黑氣如積土
在我軍上敵來挑戰或襲我我必堅守經月敵心自離離而
後戰大勝黑氣如龍如馬如蛇如牛頭變化者夷兵欲欺中

國謹察而防之為善。凡攻城有黑雲氣臨城者，積土固險之象。黑者水之氣，城池之象也。我據城敵不可攻，敵據城我不可攻。凡圍城，平旦視圍上氣鬱鬱如火光芒，勢翕翕然者，其方救至。無者救不至，受圍者望外救亦以是占。兩軍相當，彼軍上有赤氣狀如尺布長數十丈，其下色黃白，必有叛軍。昏見者，臣佐夜見在兵黑氣遊行，中含黃氣在我軍，有急令徵兵不逮，士卒恐懼，人有逃心。宜罷軍吉。赤氣如織，蓋覆軍上千里內，戰有慶，千里外憂。

按雲氣屬兵象者，隋志言之詳，玩占所載多與隋志同節。

錄以備參閱。

風雨氣

隋書天文志雲氣如亂穰大風將至視所從來避之雲甚潤而厚大雨必暴至四始之日有黑雲氣如陣厚重者多雨觀象玩占風雨氣如魚龍行其色蒼潤或黃氣蔽日昏慘或如積土或如累盆黃色潤厚朝東夕西歷日或奄之皆風雨之氣也朝視日上有黑氣如霧如霧歷日日光旁射其色慘淡黃白者其日有風雨晚日欲入有之則其夜有風雨白雲如舞往來其處淒風送迎大雪將下

田家五行雲行占晴雨諺云雲行東雨無蹤車馬通雲行西馬蹙泥水沒犁雲行南雨潺潺水漲潭雲行北雨便足好曬

穀上風雖開下風不散主雨諺云上風皇下風隘無簦衣莫
出外雲若砲車形起主風起諺云西南陣單過也落三寸言
雲陣起自西南來者雨必多尋常陰天西南陣上亦雨諺云
太婆年八十八弗曾見東南陣頭發又云千歲老人不曾見
東南陣頭雨沒子田言雲起自東南來者必無雨凡雨陣自
西北起者必雲黑如潑墨又必起作肩梁陣先大風而後
雨終易晴天河中有黑雲生謂之河作堰又謂之黑猪渡河
黑雲對起一路相接亘天謂之雨作橋雨下闊則又謂之合
羅陣皆主大雨立至少頃必作滿天陣名通界雨言廣濶普
徧也若是天陰之際或作或止忽有雨作橋則必有挂帆雨

脚又是雨脚將斷之兆也不可一例而取凡雨陣雲疾如飛
或暴雨乍傾乍止其中必有神龍隱見易曰雲從龍是也諺
云旱年只怕松江排水年只怕北江紅一云太湖晴上文言
亢旱之年望雨如望恩纔是四方遠處雲生陣起或自東引
而西自西而東俗所謂排也則此雨非但今日不至必每日
如之即是久旱之兆也此吳語也故指北江為太湖若是晚
霽必乘西天但晴無雨諺云西北赤好曉麥陰天下晴諺云
朝要頭頂穿暮要四脚懸又云朝看東南暮看西北諺云魚
鱗天不雨也風顛此言細細如魚鱗斑者一云老鯉斑雲障
曠殺老和尚此言滿天雲大片如鱗故云老鯉往往試驗各

有準秋天雲陰若無風則無雨冬天近晚忽有老鯉斑雲起
漸合成漫陰者必無雨名曰護霜天

雜雲氣占

隋書天文志日出沒時有雲橫蔽之白者喪鳥者驚三日內
雨者各解有黑氣入營者兵相殘有赤青氣入營者兵弱有
雲如蛟龍所見處將軍失魂有雲如鷓尾來蔭國上三日亡
有雲如日月暈赤色其國凶青白色有大水有雲狀如龍行
國有大水人流亡有雲赤黃色四塞終日竟夜照地者大臣
縱恣有雲如氣味而濁賢人去小人在位

開元占東方朔傳曰凡占長吏農耕當視天有黃雲來覆車

五穀大熟青雲致兵白雲致盜烏雲多水赤雲有火郁萌曰
雲如一疋布而行若西若東若南若北邑都上者其君有憂
觀象玩占青氣廣五六丈東西竟天天下有喪黑氣如大道
一條長而明不見頭尾東西者不過三朔大赦天下黑氣如
群羊或如群魚四夷不順赤氣如火影見者臣叛其君不過
三朔赤色氣如龍蛇在山頭住又如夜火光者臣離其君主
不安為客所傷人民流移遠去其鄉赤氣覆日而光大旱人
饑民流千里黑氣如牛頭龍馬蛇變化有疾病民流亡不宜
乳婦災狄欲欺中國宜察讒間黑雲氣南北陣有大水國有
憂黑雲氣東西陣君有憂若天氣蒼茫而黑雲氣東西極天

移日不動者其憂深此氣以戊己日見者君惡之白雲氣極
天南北陣國有憂雲如匹帛西南行其國分君長有憂雲氣
如日月暈赤色其國有兵青白色其國大水氣上豐下殺有
若木皮春黃夏白四季黑秋青冬赤是謂亂國之氣黃黑雲
數道皆如匹帛貫日其間道有白雲如魚鱗者有刺客雲如
巨魚疾行中天其色蒼黑有大風大水災雲如人相倂兵起
民流雲氣如牛車相隨有大水雲潤潤如土色土功興赤雲
如牛無角三日有大雨不雨不出三十日北夷兵起

欽定天文正義卷五十七

虹霓占

虹蜺占

詩廊風蜺蜺篇蜺蜺在東註蜺蜺虹也日與雨交條然成質乃陰陽之氣不當交而交者蓋天地之淫氣也在東者莫虹也虹隨日所映故朝西而莫東也朝濟于西崇朝其雨註濟升也周禮十輝九曰濟注以為虹蓋忽然而見如自下而升也崇終也從旦至食時為終朝言方雨而虹見則其雨終朝而止矣蓋淫慝之氣有害於陰陽之和也今俗謂虹能截雨信然

禮記月令季春之月虹始見孟冬之月虹藏不見爾雅蜺蜺謂之蜺蜺虹也蜺為蜺氣

史記天官書白虹屈短上下兌有者下火流血

隋書天文志凡白虹者百殃之本眾亂所基 凡白虹霧最
臣謀君擅權立威 凡夜霧白虹見臣有憂書霧白虹見君
有憂虹頸尾至地流血之象開元占月令章句曰虹蜺蜺也
陰陽交接之氣著於形色者也雄曰虹雌曰蜺常依陰晝見
於日衝雲無不見大陰亦不見春秋緯曰虹蜺見雨即晴旱
即雨

觀象玩占虹蜺者陰陽之交氣也陰陽之氣和則為雨露怒
則為雷霆淫則為虹蜺虹者攻也陽攻陰也蜺者蓄也災氣
傷害於物如有所蓄也一曰填星之精散為虹蜺又曰雙出

色鮮明者為虹暗者為蜺蔡邕曰見於日衝曲而青紅曰虹見於日旁白而直者曰蜺

四時虹蜺

隋書天文志凡霧四合有虹各見其方隨四時色吉非時色凶

觀象玩占虹以立春四十六日內出正東貫震中春多雨夏多火災秋多水民流亡冬多海賊春分四十六日內出東南貫巽中春大旱災起立夏四十六日內出正南貫離中大旱災麻不收夏至四十六日內出西南貫坤中有小水蝗蟲為害魚不滋立秋四十六日內出正西貫兌中秋有水有旱秋

分四十六日內出西北貫乾中秋多水虎食人畜賊起立冬
四十六日內出正北貫坎中冬少雨春多水災冬三十四十六
日內出東北貫艮中春多旱夏火災梁貴 虹以四五月
出西方梁貴七八月出西方梁貴九月出西方大小豆貴十
月出西方稻貴立秋後見西方萬物貴秋冬出西方色白小
口傷京房占曰虹春三月出西方有青雲覆之其夏多寒人
病癘若溫赤雲覆之夏旱黃雲覆之夏小旱五穀半收白雲
覆之夏多大風人疫黑雲覆之夏多大雨虹夏三月出西方
有青雲覆之秋多寒民病癘赤雲覆之秋旱黃雲覆之禾大
收白雲覆之秋多大風黑雲覆之秋多雨虹秋三月出西方

青雲覆之冬多寒人病春多寒人瘧若溫赤雲覆之春旱黃雲覆之雲出之冬多雨虹冬三月出西方青雲覆之

春雨調和白雲覆之春多狂風黑雲覆之春多雨水虹出南方無春夏秋冬所見之處風雨不時不出三年大饑百姓流亡不歸虹出北方無春夏秋冬所見之處陰陽不和風時不時冬溫夏寒小民怨咨五穀不成其地大饑大旱三年哭泣相隨一曰大旱二百八十日民大疾疫

五色虹蜺

開元占說文曰蜺屈虹青赤或白色陰氣也潛潭巴曰虹五色迭至照於宮有兵革之事抱朴子曰赤虹見城上其下必大戰流血易候曰赤虹如杵萬人死其下白虹亦然又曰白

虹其下有流血黃帝占曰白虹遶城不匝從虹所在擊之勝
觀象玩占京房易飛候曰虹凡象有五蒼無胡有虹也赤無
胡者蚩尤旗也白無胡者蜺也衡不屈者天杵也直下上不
屈者天棊也此五虹以甲巳日出東方人食人丙丁日出南
方大旱庚辛日出西方其邑多空戶壬癸日出北方人相食
青虹東西極天兵起虹三日不散不出一年大兵起赤虹從
天直下國亂無主赤虹冬出其野有戰糧大貴白虹見諸侯
起兵國有女亂又曰白虹所出其下流血當其城城必空白
虹如杵萬人死其下白虹首尾至地者有流血白虹暮出國
易政白虹夜出其年大兵起白虹從地中出所出之地大飢

有大兵流血白虹分裂為四五六段大戰流血秋三月有白虹出西方兩軍相當急陳兵以待之若有赤氣衝之必有獲城白虹屈曲見城上有大戰白虹遠城不匝謹守其缺白虹出軍上軍中有亂虹蜺五色重疊光色照地所出之處兵起絳氣小長如反弓下有亡國絳氣東見國有大喪絳氣極天三日不行不出三年天下大兵青黑者為大喪絳氣五色或赤白暹丑未或東西極天者皆為兵喪

日旁虹蜺

開元占京氏曰虹蜺近日則奸臣謀貫日客伐主其救也釋女樂戒非常正股肱入賢良易妖占曰白虹在日為喪又為

兵甘氏曰赤虹出日左大凶又曰日旁有白虹衝日在東方
東方反在西方西方反在四方皆然期不出五年中有臣倍
其主者白大將死色赤大夫出一日有反城又曰白虹貫日
近臣為亂諸侯有欲反者赤黑虹尤甚期不出三年

觀象玩占日旁有屈虹下有大戰流血赤虹與日俱出其野
有急兵所臨之國有憂不可舉事用兵日旁有三四五六白
虹交貫所臨之地流血兩軍相當從上擊下大勝虹蛇狀如
日月暈必有破軍先起者勝

虹蛇雜占

開元占郝萌曰城上有交頭虹城可攻虹與日俱出房心間

諸侯王死期不出三年地鏡曰虹從曰池井出若飲國空虛
觀象玩占虹以戊己日出中央若西南方人君凶二虹並見
兵起期二年五虹並見天下大亂兵起天子黜期三年九虹
俱出五色縱橫人主失威天下交兵二屈虹出其下有大戰
亡城方虹見有暴兵起屈虹東出下有破軍殺將虹出橫至
上反入直而不曲不出九十日民多病死不出九年大旱民
流亡虹出直上行所出之地大旱民多妖言多病死虹蜺狀
如日月暈必有破軍先起者勝虹出牽牛度中有壞城出須
女度中后族強專國政天無雲有赤虹貫昴畢臣主相伐白
虹圍軫有亡國虹貫太微后族專權虹出地中臣子為逆出

宮殿園池或井中若下入之皆不出其年君亡政亂虹出入人家屋中姪婦死家破敗虹出人家井中其家有兵傷一曰當出貴女而後家受其殃虹自井中出或自外入飲井水其邑有兵不則有盜賊相殺傷事一曰虹出井中在國國空在家家亡凡攻城有虹從城外入飲城中水者城破從外順虹攻之勝域中有黃虹貫之主喜青黑凶赤白大戰城陷虹垂頭於軍門有流血虹蜿蜒直指順虹擊其所指勝石氏曰虹頭在江河溪澗之內軒轅之變也見四維即為陰雨見西方即旱不占國事災咎蒼白多則為喪為水赤多則為旱

田家五行論虹俗呼曰蜺諺曰東蜺晴西蜺雨諺云對日蜺

不到晝主雨言西轡也若蛭北下便雨還主晴

欽定天文正義卷五十八

雷電占

雨占 電占附

雷電占

易說卦傳雷以動之 動萬物者莫疾乎雷

詩小雅十月之交篇煜煜震電不寧不令註煜煜電光貌震雷也寧安徐也令善也

禮記月令仲春之月雷乃發聲始電 仲秋之月雷始收聲

仲秋行冬令收雷先行 仲冬行夏令雷乃發聲

爾雅釋天疾雷為霆霓

史記天官書天雷電蝦虹辟歷夜明者陽氣之動者也春夏則發秋冬則藏故候者無不司之

開元占河圖曰陰陽相薄為雷京房曰凡雷者陰陽和合震

動萬物使各戴其元而起故雷以動之聞百里或聞七十里或聞五十里或聞二十里各應其德而起以應人君行之動靜。

觀象玩占雷於天地為長子主發生二月出地百八十日雷出則萬物出八月入地百八十日雷入則萬物入入則除害出則興利人君之柄也人君發號施令上合天道則雷以時而出以時而入若有不當發而發或當發而不發則皆號令失常之所致也

雷聲占

開元占雷聲或殷殷軻軻風雨微皆陰陽和利稼之雨象君

臣百姓和合也

觀象玩占。凡雷聲初發和雅。其歲善。雷聲激烈。歲惡。人災師
曠占。春雷始起。其聲拍拍格格。霹靂者。雄雷。旱氣也。其聲音
音依依不大震者。雌雷。水氣也。天無雲若有雲。有大聲如雷
一聲而止。謂之天鼓。其地兵起。營上雷鳴一聲止。使命至。城
邑上有聲如雷。非雷。有兵爭。兵發之日。忽有雷鳴一聲。不宜
進戰。軍帳上忽有震雷一聲。宜搜姦伏。

田家五行。凡雷聲響烈者。雨陣雖大而易過。雷聲殷殷然嚮
者。卒不晴。雷初發聲微和者。歲內吉。猛烈者凶。甲子日尤吉。

四方雷占

開元占雷之發聲於坎多水於艮山崩於震多風於巽必大風起於離大旱於坤土功兌兵起於乾天象

觀象玩占黃帝占曰雷起天門人不安起水門流潦滂沱起石門燕食禾大凶起木門棺木貴歲大熟起風門霜傷五禾起金門銅鉄貴起火門夏旱蝗生起土門五穀賤魚貴起鬼門人多暴死京房占雷起乾人多病國安起坎多雨起艮禾好葉長五穀賤起震穀暴貴其歲豐棺木貴起巽雨雹傷五穀一曰燕生霜早降起離夏旱起坤蟲傷穀起兌金鐵貴天鏡占春雷起於東方五穀皆熟夜雷半熟起南方歲小旱夜雷大旱穀倍貴禾不成起西方穀半熟多蟲一曰其野有暴

貴馬牛大災夜雷五穀蟲災民多病一曰穀貴大旱起北方
海溢川湧五穀不成夜雷百川皆溢起西北方牛馬疫國有
暴驚民滿野夜雷赤地千里

四時雷占

開元占春不雷而霜樹木以風落皆為人疾病春己丑丑丁
夏甲午壬戌己亥丁未冬甲寅又曰春戊寅夏戊申冬戊子
不雨而雷雷之所建有死將流血天鏡曰冬震兵飢

觀象玩占傳曰雷者陰陽和合震動萬物春分發而秋分藏
非時而鳴軍破國殃凡過啓蟄而不雷攻弛民慢二月雷不
鳴五果不實小兒多死三月雷不鳴秋多盜賊四月雷不鳴

君令不行臣專政五月雷不鳴大臣殫死五稟減半六月雷不鳴蝗蟲生冬民不安夏三月不聞雷五穀不成人多疾病春正月雷民不炊又曰為長為疫應在所發所往之方一曰正月大雷王者舉事不時秋雷大鳴五穀不實諺曰秋雷碌碌有稻無穀冬雷震驚萬物不成蟲不藏兵起一曰天冬雷地必震一曰冬雷民飢冬至日雷大兵盜賊橫行凡冬雷者陽氣不藏也各以雷鳴之日知何方亦曰各以其辰為方春不雨而有雷音在地中者其所往兵起春三月甲午己丑戊寅辛卯戊午之日有雷擊物其地有兵大雷大兵春夏甲子丙寅戊子之日有雷擊物有兵在外則大戰無兵則兵起夏

三月甲子己丑戊寅辛卯之日有疾雷大風有軍在外大戰
圍城城壞無兵兵起春己丑丁丑夏甲午壬戌己亥丁未冬
甲寅又曰春戊寅夏戊申冬戊子日不雨而有雷電其聲光
所及有死持流血秋庚午日雷其地兵起

千千支雷占

觀象玩占凡甲子日大雷不出其月兵起庚子日大雷不出
三十日有惡令亦為兵起戊子日雷電易土吏民戊子日雷
雨三日止其下大戰不雨而雷外兵必歸兵起必阻庚午日
大雷不出其月有兵八魁日有疾雷大戰八魁日者春己巳
丁丑夏壬戌秋己丑丁未冬戊寅也雷非時而發在子日君

例有讒臣盜起有水災有死喪哭泣事丑日將相不安兵出外丑金庫而震動之兵必出也寅日兵起有妖言惑衆津梁不通有讒臣後宮不安其所發所至之地人災卯日大臣災萬物不成辰日兵起有水災巳日蠻夷兵動其地有兵飢午日其地有火災有死喪未日有大水庫藏有火其地有死喪有兵疫申日兵起其地將動軍有憂酉日燕趙有兵戌日土功興戌為樓臺又為火災有火災官舍遷動工役作倉粟出亥日有水水寒穀物兵起亥為六陰之極故為水為寒亥位在乾故為寒又為兵起也

開元占春秋繁露曰霹靂者金氣也其音商故應以霹靂說
文曰震霹靂振物也釋名曰霹靂折也所歷皆破折震戰也
所擊輒破若攻戰也天鏡占雷霆擊宮庭不出五年交兵流
血雷霆擊宗廟不出八年削地奪國

觀象玩占霹靂大風雨發屋折木小人在位賢人出走霹靂
擊宮殿潛潭潭巴曰臣下有謀軍中有霹靂擊下士卒叛

霆電占

開元占河圖曰激陽為電元命包曰陰陽激為電京房曰凡
霆者金餘氣也金者內鏡而外冥

觀象玩占霆如交蛇光明而止者人君行明而直也霆正黃

而光澤人君行明也無雲而霆人君以暴罰也 電者陽精之發也先電而雷隨之者正雷先鳴而後電者陰勝陽也電色黃有電色赤白有大風電光晝夜燦地三日已上不止其所發處兵起

田家五行夏秋之間夜晴而見遠電俗謂之熱閃在南主久晴在北主便雨諺云南閃千年北閃眼前北閃俗謂之北辰閃主雨立至諺云北辰三夜無雨大怪言必有大風雨也

雨占 電占附

易乾卦彖傳雲行雨施品物流行 說卦傳雨以潤之

書洪範休徵曰肅時雨若 咎徵曰狂恒雨若

詩小雅大田篇有淦萋萋興雨祁祁註淦雲興貌萋萋盛貌

祁祁徐也雲欲盛盛則多雨雨欲徐徐則入土

禮記月令孟春行夏令則雨水不時行秋令則焮風暴雨總

至行冬令則水潦為敗 仲春之月始雨水 季春行夏令

時雨不降行秋令則天多沈陰淫雨蚤降 孟夏行秋令則

苦雨數來 仲秋行春令則秋雨不降 仲冬行秋令則天

時雨汁注雨汁者水雪襟下也

爾雅釋天甘雨時降萬物以嘉謂之醴泉 暴雨謂之凍小
雨謂之霖霖久雨謂之淫淫謂之霖濟謂之霽

開元占元命包曰陰陽和為雨釋名曰雨羽也如鳥羽動則
散稽覽圖曰降陰為雨降陰之雨潤而不破塊老子曰驟雨
不終日董仲舒曰太平之世雨不破塊潤菜津莖而已陰陽
二氣之初蒸也若有若無若實若虛團攢聚合其體稍重乘
虛而墜風多則合速故雨大而踈風少則合遲故雨細而密
觀象玩占雨者陰陽和而天地氣交之所為也太清之世十
日一雨雨不破塊京房曰太平之世一歲三十六雨是謂休
徵時若之應凡雨三日以上為霖久雨謂之霖

四時雨占

觀象玩占春甲寅乙卯日雨入地五寸穀小貴若不貴至夏
大貴春甲申至己丑日雨庚寅至癸巳日雨皆為穀大貴春
甲乙日俱不雨民不耕夏甲乙丙丁日俱無雨人不耕甲申
至己丑日雨麥貴夏甲申日雨米大貴夏丙寅丁卯日雨秋
穀貴一倍夏三月內辰日雨百蟲生未日雨蟲死夏甲子庚
辰辛巳日雨蟲死有雪亦然冬壬寅癸卯日雨春穀大貴甲
申至己丑日雨米大貴庚寅至癸巳日風雨米賤春雨甲子
六十日旱夏雨甲子四十日旱秋雨甲子四十日滯冬雨甲
子二十七日寒雪春雨甲申五穀熟夏雨甲申五禾大美秋

雨甲申六畜多死冬雨甲申人多病春雨乙卯夏糴貴夏雨
丁卯秋糴貴秋雨辛卯冬糴貴冬雨癸卯米春糴貴黃帝占
春不欲雨乙卯夏不欲雨丁卯秋不欲雨辛卯冬不欲雨癸
卯以此四日占民安否若其日雨則疾疫起立春日雨傷五
禾立秋日雨害五穀凡雨作於四時旺相之日草木得之莫
不榮茂其死囚休廢之日雖有雨不能生物也

十二月雨占

觀象玩占正月一日有風雨三月穀貴一曰正月一日風雨
其年惡微風小雨年小惡風悲鳴疾作災起又曰正月一日
風雨米貴蠶傷風雨從西方來兵起正月一日無風而雨歲

中下田麥成禾黍小貴正月晦日風雨糴貴 二月一日風
雨穀貴禾惡二月晦日風雨多疾病死亡 三月一日雨井
泉空二日雨澤無魚三日雨水旱不時四日雨變易治五日
雨溝瀆滂六日雨壞垣墻七日雨決隄防八日雨乘船行九
日雨難可期三月一日風雨民疾病百蟲生其日雷雨有旱
三月辰日雨百蟲生未日雨百蟲死三月三日小雨蠶善大
雨蠶惡三月十六日雨桑柘賤 四月一日風雨米貴麥惡
二日三日有雨其年五穀熟四日雨五穀貴五日六日雨宜
早麥四月晦日雨至五月朔大饑其年大水麥惡蝗生 五
月一日風雨米大貴人食草木一曰牛貴五月上辰日有雨

蝗蟲發一曰蟲隨雨下食禾已日雨同五月晦日風雨米貴

六月一日有風雨米貴六月晦日風雨來年春穀貴七月

月一日大風雨米貴人多病疽者一曰來春穀貴七月七日

大雨糴倍貴小雨糴大賤七月晦日風雨穀貴八月一日

風雨穀貴其日陰雨宜麥布貴麻子大貴占至三日而止其

日時無雲麥不實八月九日有雨牛貴一倍八月晦日風雨

來年有水有旱九月一日風雨來年春旱夏水九月晦日

有風雨有水歲惡十月一日有風雨年內旱來年夏多水

麻子貴其歲惡一曰十月一日大雨米大貴小雨小貴十月

晦日風雨穀貴人多死十一月一日風雨人多死十一月

晦日風雨春旱穀貴 十二月一日風雨來年春旱夏多雨
穀貴晦日風雨春旱

候雨

書洪範月之從星則以風雨

詩小雅漸漸之石篇有豕白蹄烝涉波矣月離於畢俾滂沱矣註豕涉波月離畢將雨之驗也

論衡孔子出使子路齋雨具有頃天果大雨子路問其故孔子曰昨暮月離於畢後日月復離畢孔子出于路請齋雨具孔子不聽出果無雨子路問其故孔子曰昔日月離其陰故雨昨暮月離其陽故不雨

開元占、東方朔曰、凡諸甲日無雲、其旬不雨、常以甲日平明
候雨、東方有蒼黑雲、甲乙日雨、南方有赤雲、丙丁日雨、西方
有白雲、庚辛日雨、北方有黑雲、壬癸日雨、

觀象玩占、凡先雷後雨、其雨必小、先雨後雷者、雨必大也、易
候、凡候雨、以朔晦弦望雲氣四塞者、皆雨、東風則當日雨、黑
氣如牛羸者、有暴雨、黑氣如羣羊奔、如飛鳥、五日必雨、黑雲
氣如浮船者、雨、蒼黑雲細如縹緲蔽日月、五日內雨、雲如兩
人提鼓持槊、有暴雨、四望見青白雲、名曰天塞之雲、雨微也
尚書大傳、五岳之雲、觸石而出、皆不崇朝而雨、京房曰、諸六
甲日有雲氣、四合皆當日雨、少雲少雨、多雲多雨、萬不失一、

月離畢之陰則雨。月離畢之陽無雨。日旁有赤雲如冠珥。不
有大風。必有大雨。東方朔占。子日東風。卯日雨。丑日東風。辰
日雨。寅日東風。巳日雨。卯日東風。午日雨。辰日東風。未日雨。
巳日東風。申日雨。午日東風。即日雨。未日東風。申日雨。申日
東風。子日雨。酉日東風。丑日雨。戌日東風。寅日雨。亥日東風。
辰日雨。

田家五行論日。日暈則雨。諺云。月暈主風。日暈主雨。日生耳
主晴。雨諺云。南耳晴。北耳雨。日生雙耳。斷風。截雨。若是長而
下垂。通地。則又名白。日暈主久雨。日出早。主雨。出晏。主晴。老
農云。此特言久陰之餘。夜雨連旦。正當天明之際。雲忽一掃。

而捲即日光出，所以言早。少刻必雨，立驗言晏者日出之後，雲晏開也。必晴亦甚準，蓋日之出入自有定刻，實無早晏也。愚謂但當云晴得早，主雨晏開主晴不當言日出早晏也。諺云：烏雲接日，明朝不如今日。又云：日落雲沒，不雨定寒。論月，新月卜雨諺云：月如挂弓，少雨多風。月如偃瓦，不求自下。又新月下有黑雲橫截，主來日雨。諺云：初三月下，有橫雲，初四日裏雨，領益月，晝無雨，則來月初必有風雨。諺云：廿五廿六若無雨，初三初四莫行船。廿五日謂之交月，雨主久陰。論星諺云：一個星保夜晴，此言雨後天陰，但見一兩星，此夜必晴。諺云：明星照爛地，來朝依舊雨。言久雨正當黃昏卒然。

雨住雲開便見滿天星斗則豈但明日有雨夜當亦未必晴

論風夏秋之交大風及有海沙雲起俗呼謂之風潮古人

名之曰颶風言其具四方之風故名颶風有此風必有霖淫

大雨同作又云東風急備蓑笠風急雲起愈急必雨諺云東

北風雨太公言良方風雨卒難得晴諺云行得春風有夏雨

言有夏雨應時可種田也非謂水必大也 論雨諺云雨打

五更日曉水坑言五更忽有雨日中必晴甚驗晏雨不晴雨

著水面上有浮泡主卒未晴諺云一點雨似一個釘落到明

朝未得了諺云天下太平夜雨日晴言不妨農也諺云病人

怕肚脹雨落怕天亮亦言久雨正當昏黑忽自明亮則是雨

候也雨夾雪難得晴諺云夾雨夾雪無休無歇諺云快雨快晴道德經云飄風不終朝驟雨不終日論雲占晴雨諺云

雲行東雨無蹤車馬通雲行西馬濺泥水沒犁雲行南雨潺湲水漲潭雲行北雨便足好曬穀上風雖開下風不散主雨諺云上風皇下風隘無蓑衣莫出外諺云西南陣單過也落三寸言雲起自西南者雨必多尋常陰天西南陣上亦必雨又云千歲老人不曾見東南陣頭雨沒子田言雲起自東南來者絕無雨凡雨陣自西北起者必雲黑如潑墨又必起作眉梁陣主先大風而後雨終易晴天河中有黑雲生謂之河作堰又謂之黑豬渡河黑雲對起一路相接亘天謂之女作

橋雨下濶則又謂之合羅陣皆主大雨立至少頃必作滿天陣名通界雨言廣闊普遍也諺云西北赤好曉麥陰天下晴諺云朝要頭頂穿暮要四脚懸又云朝看東南暮看西北諺云魚鱗天不雨也風顛此言細細如魚鱗斑者一云老鯉斑雲障曬殺老和尚此言滿天雲大片如鱗者故云老鯉往往試驗各有準秋天雲陰若無風則無雨冬天近晚忽有老鯉斑雲起漸合成濃陰者必無雨名曰護霜天 論霞諺云朝霞暮霞無水煎茶主旱此言久晴之霞也諺云朝霞不出市暮霞走千里此皆言雨後乍晴之霞暮霞若有火焰形而乾紅者非但主晴必有久旱之兆朝霞雨後乍有定雨無疑乾

紅主晴，間有褐色主雨，如滿天皆霞，即退主晴，不退主雨，若霞帶褐色，西方又有濃陰，以應之，雨當立至。論虹，諺云：東蠶晴，西蠶雨。又云：對日蠶，不到晝，言西蠶也。主雨。論雷，諺云：未雨先雷，船去步回，主無雨。又云：當頭雷無雨，卯前雷有雨，凡雷聲響烈者，雨陣雖大而易過，雷聲殷殷然響者，卒不晴。雪中有雷，主陰雨百日方晴。東州人曰：一夜起雷三日雨。言雷自夜起必連陰。論電，夏秋之間，夜晴而見遠電，俗謂之熱閃，在南主久晴，在北主便雨。諺云：南閃千年，北閃眼前。北閃俗謂之北辰閃，主雨立至。論甲子，諺云：春雨甲子，乘船入市，夏雨甲子，赤地千里，秋雨甲子，禾頭生耳，冬雨甲子。

飛雪千里一說甲子春雨主夏旱六十日夏雨主秋旱四十日此說蓋取其久陰之後必有久晴諺云半年雨落半年晴甲子遇雙日是雌甲子雖雨不妨諺云雨打六壬頭低田便罷休一云更須看甲寅日若晴初得過不妨諺云壬子是哥哥爭祭甲寅何若得連晴為上不然二日內亦當以壬子為主一說壬子雨丁丑晴則陰晴相半二日俱晴六十日內少雨二日俱雨主六十日內雨多諺云甲申猶自可乙酉怕殺我言申日雨尚庶幾酉上雨主久雨諺云久雨久晴多者換甲又云甲午旬中無燥土又云甲日雨乙日晴乙日雨直到庚又云久晴逢戊雨久雨望庚晴又云逢庚須變遇戊須晴

又云久雨不晴且看丙丁又云上火不落下火滴洒言丙丁

日也 論山遠山之色清朗明爽主晴嵐氣昏暗主作雨尋

常不曾出雲小山忽然雲起主大雨 論水水際生靛青主

有風雨諺云水面生青靛天公又作變水氣腥主雨水驟至

論飛禽鴉浴風鶻浴雨八八兒洗浴斷風雨鳩鳴有還聲

者為呼婦主晴無還聲者為逐婦主雨 論龍龍下便雨主

晴凡是黑龍下主無雨縱有亦不多白龍下雨必到水鄉

論鶴神己酉日下地東北方乙卯轉正東庚申轉東南丙寅

轉正南辛未轉西南丁丑轉正西壬午轉西北戊子轉正北

癸巳上天在天上之北戊戌轉天上之南甲辰轉天上之東

已酉復下周而復始。上天下地之日晴，主久晴；雨主久雨。轉方稍輕，若大旱，雖轉方天並不作變。諺云：荒年無六親，旱年無鶴神。

楊慎古今諺云：戊午己未甲子齊，便將七日定天機。七日有雨，兩月泥；七日無雨，兩月灰。又曰：甲寅乙卯晴，四十五日放光明；甲寅乙卯雨，四十五日看泥水。

候雨止

觀象玩占：東方朔占：甲子日雨，丙寅止；乙丑雨，丁卯止；丙寅雨，即日止；丁卯雨，夕止；戊辰雨，夜半止；己巳雨，立止；庚午日。

雨辛未止辛未日雨戊寅止壬寅日雨即日止癸酉日雨甲
戌止甲戌日雨即時止乙亥日雨即日止丙子日雨卒止丁
丑日雨夕止戊寅日雨即時止己卯日雨立止庚辰日雨即
止辛巳日雨癸未止壬午日雨即日止癸未日雨甲申止甲
申日雨即時止乙酉日雨丙戌止丙戌日雨夕止丁亥日雨即
時止戊子日雨庚寅止己丑日雨壬辰止庚寅日雨即時止
辛卯日雨當日止壬辰日雨辛丑止癸丑巳日雨夕止甲午
日雨即時止乙未日雨丁酉止丙申日雨夕止丁酉日雨巳
亥止戊戌日雨辛丑止己亥日雨即時止庚子日雨壬辰止
辛丑日雨壬寅止壬寅日雨即時止癸卯日雨即時止甲辰
日雨即時止乙巳日雨丙午止丙午日雨即時止丁未日雨

即時止戊申日雨庚戌止己酉日雨辛亥止庚戌日雨即時
止辛亥日雨癸丑止壬子日雨癸丑止癸丑日雨即時止甲
寅日雨即時止乙卯日雨丙辰止丙辰日雨丁巳止丁巳日
雨即時止戊午日雨即時止己未日雨即時止庚申日雨甲
子止辛酉日雨即時止壬戌日雨即時止癸亥日雨即時止
子日雨立止不止寅日止丑日雨寅日止不止至卯日止寅
日雨立止不止卯止卯日雨立止不止己止辰日雨立止不
止戌止己日雨未止不止申止午日雨立止不止至十日陰
未日雨申止不止戌止申日雨夕止見日不見日久陰酉日
雨立止不止久陰戌日雨立止不止久陰亥日雨立止不止

久陰、此其大概也

雨雜占

觀象玩占、天無雲而雨、謂之天泣、其占為國易政、若出軍逢之、其軍必不還、抱朴子、無雲而雨、是謂雨血、雨大軍中尤甚者、將軍敗死、正五九月殺在丑、二六十月殺在戌、三七十一月殺在未、四八十二月殺在辰、以此日雨、雨所建賊犯之期、六十日、戊午日雨霖、三日止、其下大戰、乙卯日雨、旱有兵起、東方丁卯雨、旱有兵起、南方己卯雨、旱有兵起、中央辛卯雨、旱有兵起、西方癸卯雨、旱有兵起、北方天鏡占、天雨三日以上不絕、陰謀興、凡先風後雨為順、先雨後風為逆、凡先

雷後雨其雨必小先雨後雷者雨必大也

電占

禮記月令仲夏行冬令則電凍傷穀

大戴禮曾子天圓陽之專氣為電陰之專氣為霰霰電者一氣之所化也

左傳季武子問於申豐曰電可禦乎對曰聖人在上則無電雖有不為災

開元占考異部曰陰氣專精凝合生電電之言合也天鏡曰夏雨電民飢

觀象玩占凡雨電所起必有愁怨不平之事在國都則咎在

君相在外則其方之長吏當之感精符曰臣擅法則天雨雹
京房曰雹下毀瓦破車殺馬者小人為政作威福也雹下剥
木枝害五穀者酷政也雹下如積氷者臣將為逆也雹下而
大風者罰過度也冬雨雹臣逆命一曰大臣殃 兩軍相持
而天雨雹者視風雨之所發順者勝師行而遇雨雹天不順
也不避必敗

欽定天文正義卷五十九

雪占
霽散占附

雪占 霰占附

詩小雅信南山篇上天同雲雨雪雰雰蓋之以霰霰既優既渥既霑既足生我百穀註同雲雲一色也將雪之候如此雰雰雪貌霰霰小雨貌優渥霑足皆饒洽之意也冬有積雪春而益之以小雨潤澤則饒洽矣

大戴禮天地積陰溫則為雨寒則為雪蓋因空中風結而成雨為氣之和雪為陰之盛盈尺順時益於萬物則為瑞及又逆令損於萬物則為災草木之花皆五出雪花六出朱子謂地六生水之義陰之成數也立春後雪則五出冬屬陰春屬陽陽奇陰耦天地自然之氣也

開元占。元命包曰。陰陽凝為雪。記勝書曰。雪者五穀之積。曾子曰。陰氣勝則凝為雪。董仲舒曰。太平之世。雪不封條。陵殍毒害而已。天鏡曰。秋雨雪。百姓多死。草木零落。天下大喪。雪下厚三尺以上。大兵方起。

觀象玩占。雪本雨也。寒甚而空中風結之。以成雪。或過多。或非時。則為災。冬雪盈尺。來年大豐。八節占曰。冬有積雪。歲美人和。穆天子傳。冬雪盈尺。年豐之候。春雪不消。天鏡占曰。天下飢乙巳占。正月雪三日內消。或至地即化者。歲成人安。七日不消。大臣下獄。秋穀不成。亦為臣有不奉主命者。二月雪七日不消。百果不實。臣專政。大臣死。牛馬傷。夏秋民不安。三

月雪經日不消秋禾不成米貴三倍大臣憂夏雨雪有喪大
兵起秋雨雪有喪民多死兵起大飢冬三月無雪來年麥惡
五穀不成蟲生人疫凡非時雨雪皆為刑罰慘酷姦邪得志
兵革將興之徵

田家五行下雪而不消名曰等伴主再有雪久經日照而不
消亦是來年多水之兆也

霰占

詩小雅頌弁篇如彼雨雪先集維霰註霰雪之始凝者也將
大雨雪必先微溫雪自上下過溫氣而博謂之霰久而寒勝
則大雪矣

爾雅：雨寬為霄，雪邢昺疏：寬，水雪雜下也。因名霄雪，霄即消也。

開元占說文曰：霰，稷雪也。從雨，散聲。釋名曰：霰，星也。水雪相搏如星而霰。曾子曰：陰之專氣為霰。